

Inatsisartut suleriaasianni § 33 naapertorlugu tulliuttumi aalajangiiffigisassatut siunnersuut Naalakkersuisut saqqummiuppaat:

Silaannakkut angallanneq pillugu inatsisip allangortinneqarnissaa pillugu inatsisip Kalaallit Nunaannut atuutilersinneqarnissaanut peqqussummik Namminersorlutik Oqartussat akuersissuteqarnissaat pillugu Inatsisartut aalajangiiffigisassaattut siunnersuut

(Ineqarnermut Attaveqaasersuutinullu Naalakkersuisoq)

1. Tunngavigisaa

Silaannakkut angallanneq pillugu inatsisip allangortinneqarnissaa pillugu inatsisip Kalaallit Nunaannut atuutilersinneqarnissaanut peqqussummik missingiut Naalakkersuisut Transportministeriaqarfimmit tiguaat. Silaannakkut angallanneq pillugu inatsimmut allanguutit, Folketingip ulloq 30. november 2023 akuersissutigisai, Kalaallit Nunaannut atuutilersinneqarnissaat (inatsit nr. 1569, 12. december 2023-meersoq), peqqussutissatut siunnersuutip siunertaraa.

2. Peqqussutip imarisaa

Silaannakkut angallanneq pillugu inatsisip allangortinneqarneratigut, ajutoornerit ajorluinnartut imaluunniit ilungersunartunik ajutoornernik kinguneqartut tamaasa ilaatinneqalersillugit Havarikommisionip misissuinissamut pisussaaffia annertusineqassaaq. Taamaattorli ajutoornerni faldskærmit, drageflyt, glideskærmit imaluunniit paratrikenik taaneqartartut ajutoornerni ilaatillugit ilanngunnagit.

Tullertut Havarikommisionip oqartussaqaarfittut arlaannaannulluunniit attuumassuteqaangitsutut ingerlanissaa, aalajangiiffigisassatut siunnersuutitigut qulakkeerneqassaaq. Havarikommisioni annerusumik naliliinissaanik Transportministerip Havarikommisionimut tunngavissalimmik peqqusisinnaanerata, Havarikommisioni annerusumik naliliinissaanik Transportministerip Havarikommisionimut tunngavissalimmik qinnuiginnissinnaalerneranut allanguinikkut tamanna qulakkeerneqassaaq.

Taassumap saniatigut silaannakkut angallannerup isumannaallisarneqarneranut sunnuteqassanngitsoq nalilerneqarpat, dronenut suliaasaqarfimmi piginnaatitsissumik ingerlatitseqqissinnaanissaq allanguuteqarnikkut anguniarneqarpoq. Piginnaatitsissutinik ingerlatitseqqissinnaanikkut, suliat kalaallisut aamma suliarineqarsinnaalissasut nalilerneqarpoq.

Suliat suliarineqartarnera pitsaanerpaamik tunngavissikkumallugu, innuttaasut aamma silaannakkut angallanermik suliaasaqarfik akimorlugu suliffeqarfiit digitalikkut

aaqqiissutini atuinissaannik transportministeri malittarisassanik aalajangersaanissaanut piginnaatinneqarnissaanik, allannguutissatut siunnersuutitigut aamma anguniarneqarpoq. Immikkut ittumik pisoqartillugu innuttaasup imaluunniit suliffeqarfiup digitalikkut aaqqiissutini atuinnginnissaanik malittarisassanik aalajangersaanissamut tunngavissiisoqarnissaa ilutigisaanik qulakkeerneqassaaq.

Naggataatigut atortutigut sunniuneqartussaannngitsunik silaannakkut angallanneq pillugu inatsimmi teknikkikkut, oqaatsitigullu allannguisoqassasoq siunnersuutitigut siunnersuutigineqarpoq. Kiisalu Kalaallit Nunaannut atuuttussannik silaannakkut angallanneq pillugu inatsimmi teknikkikkut iluarsiiisuteqarnissaaq.

Inatsimmut allannguutissaaq Folketingimit akuersissutigineqartoq eqqarsaatigalugu, *Silaannakkut angallanneq pillugu inatsisip allanngortinneqarnissaa pillugu inatsisip Kalaallit Nunaannut atuutilersinneqarnissaanut peqqussummik siunnersuummi* allannguutissaaq ataasiinnaq ilaatinneqanngilaq. Silaannakkut angallanneq pillugu inatsisip EU-mi malittarisassanut naapertuunnissaata qulakkeernissaa siunertaralugu taanna allanngortinneqarpoq. Taamaattumik allannguut Kalaallit Nunaannut attuumassuteqanngilaq.

Atuutilersitsineq:

Inatsisartut aalajangiiffigisassatut siunnersuut akuersissutigissappassuk, tamanna Transportministeriaqarfimmut nalunaarutigineqassaaq, peqqussullu 2025-mi januaarip aallaqqaataani atuutilissalluni.

Pisortanut aningaasaqarnikkut allaffissornikkullu kingunerisinnaasai

Soqanngilaq.

Inuussutissarsiortunut aningaasaqarnikkut allaffissornikkullu kingunerisinnaasai

Inuussutissarsiutillit ilaat dronenut suliassaqarfimmi piginnaatitsissummik tunineqassagunik, inuussutissarsiulinnut aningaasaqarnikkut pitsaasumik kinguneqarsinnaavoq.

Innuttaasunut aningaasaqarnikkut allaffissornikkullu kingunerisinnaasai

Dronenut suliassaqarfimmi piginnaatitsissummik tunniussisoqaruni, suliata kalaallisut ingerlanneqarsinnaassasut nalilerneqarpoq.

Tusarniaassut

Transportministeriaqarfik tusarniaaneq ingerlappaa, tusarniaaffigineqartullu allattorsimaffiat ilanngussatut ilanngunneqarluni. Tusarniaanermi akissutigineqartut Transportministeriaqarfiup allannguinissaanut tunngavissiisimangillat. Kalaallit Nunaanni Eqqartuussiviit Silaannakkut angallanneq pillugu Kalaallit Nunaannut inatsimmut nalinginnaasumik oqaaseqarput, tassanilu oqaatigineqarluni Silaannakkut angallanneq pillugu Kalaallit Nunaannut inatsit Kalaallit Nunaanni pinerluttulerinermi inatsimmut aamma

eqqartuussisarnermut inatsisimmut naleqqussarneqarsimangitsoq. Transportministeriaqarfiup nalunaarutigaa, allannguissamik pisariaqartinneqartut tamaasa maluginiarsimallugit. Transportministeriaqarfiup naliliinera malillugu, Silaannakkut angallanneq pillugu Kalaallit Nunaannut inatsit naleqqussarneqassappat, nutsamik pequssutissaliorqartariaqassaaq. Taamaattumik tamanna aatsaat Folketingip ukiuani 2024/2025-mi pisinnaassaaq, tassani silaannakkut angallanneq pillugu inatsimmi Kalaallit Nunaannut killeqarfinnut aalajangersakkat allanngortinneqarnissaanik siunnersuummik saqqummiussissalluni Transportministeriaqarfiup naatsorsuutigimmagu.